

8. maj 2008

UPA 2008/49

**Piniarneq aallaaniarnerlu pillugit Inatsisartut inatsisaata allanngortinnera  
pillugu Inatsisartut inatsisissaattut siunnersuut**

**pillugu**

**Inatsisartut Aalisarnermut Piniarnermut Nunalerinermullu Ataatsimiititaliaata**

**ISUMALIUTISSIISUTAA**

**Siunnersuutip aappassaaneerneqarnerani saqqummiunneqartoq**

Inatsisartut Aalisarnermut, Piniarnermut Nunalerinermullu Ataatsimiititaliaat  
suliarinninnermini ukuninnga inuttaqarpoq:

Inatsisartunut ilaasortaq Jonathan Motzfeldt, Siumut (siulittaasoq)  
Inatsisartunut ilaasortaq Augusta Salling, Atassut (siulittaasup tullia)  
Inatsisartunut ilaasortaq Ole Thorleifsen, Siumut  
Inatsisartunut ilaasortaq Ane Hansen, Inuit Ataqaatigiit  
Inatsisartunut ilaasortaq Jens B. Frederiksen, Demokraatit

Siunnersuutip siullermeerneqarnerani Inatsisartut Aalisarnermut, Piniarnermut  
Nunalerinermullu Ataatsimiititaliaata aalajangiiffigisassatut siunnersuut misissorpaa.

**Siunnersuutip imarisaa**

Naalakkersuisut piniarneq aallaaniarnerlu pillugit Inatsisartut inatsisaata  
allanngortinneqarneranik Inatsisartut inatsisissaattut siunnersuut saqqummiuppaat.  
Inatsisissatut siunnersuut allannguutinik assigiinngitsunik pingasunik imaqarpoq:  
Aalajangiisinnaanermut kommunitut pisinnaatitsissutip erseqqissarnera,  
inuussutissarsiutigalugu piniarsinnaanermut allagartap pissarsiarinissaanut immikkut  
akuersissuteqarsinnaanerup periarfissaqarnerulernerunera kiisalu  
inuussutissarsiutigalugu piniartut takornariatitsinermit aammalu ilisimatusarnerni  
ikiunnernit isertitaqarsinnaanerit, tamanna inuussutissarsiutigalugu  
piniarsinnaanermut allagartap annaariataarsinnaaneranik kinguneqartinnagu.

Inatsisartut Aalisarnermut, Piniarnermut Nunalerinermullu ataatsimiititaliaata  
isumaliutissiissutaa (UPA2007/129) saqqummiunneqarpoq. *"Piniartut takornarianut*

*sullissinerminni saniatigut isertitaqaannarnissaat maleruagassani atuuttuni aqputissiuunneqartariaqartoq" Ataatsimiititaliap isumaqatigiittup tamatumani inassutigaa.*

Maannakkut inatsit atuuttoq § 4, imm. 2, nr. 2, 50 – 50 %-imik piumasaqaammik aamma taaneqartartoq naapertorlugu nutarterineq aallartippoq.

Inatsimmi politikkikkut piumasaqaatit qulaani taaneqartut ilanngunneqarput, taamaalilluni inuussutissarsiutigalugu piniartut aalisartullu maannakkut takornariartitsinermiit aammalu ilisimatusarnerni ikiuunnernit isertitaqarsinnaalissallutik, tamanna inuussutissarsiutigalugu piniarsinnaanermut allagartap annaaratarsinnaaneranik kinguneqartinnagu, tassa taakkunannga isertitat, isertitat naatsorsorneranni ilanngunneqartussaassanngimmata.

Inatsisissatut siunnersuut makkuninnga tusarniaassutigineqarpoq:

- KANUKOKA,
- KNAPK,
- Piniarnermut Siunnersuisoqatigiit,
- Inuussutissarsiornermut Pisortaqaarfik,
- Avatangiisinut Pinngortitamullu Pisortaqaarfik
- Akileraartarnermut Pisortaqaarfik,
- Suliffeqarnermut, Inuussutissarsiutinullu Ilinniartitaanermut Pisortaqaarfik,
- KANUAANA,
- Pinngortitaleriffik,
- Nunatsinni Takornariaqarnermi Inuussutissarsiornermilu Siunnersuisoqatigiit,
- Aningaasaqarnermut Pisortaqaarfik.

Kommunit assigiinngitsut makku immikkoortissinnaassagaat Aalisarnermut, Piniarnermut Nunalerinermullu Naalakkersuisoqarfiup naatsorsuutigaa:

1. isertitat akileraarusigassat nalinginnaasut naatsorsornerannut atatillugu isertitat tamarmiusut aamma
2. 50-50%-imik piumasaqaat naapertorlugu inuussutissarsiutigalugu piniarsinnaanermik allagartaqalernissamut qinnuteqaateqartup pisinnaatitaanerata naliliiviginerani isertitat tamarmiusut isertitanullu tunngaviit naatsorsuinermit ilaatinneqassapput.

Inatsit ulloq 1. januar 2008-mit kingumoortumik atuutilissasoq siunnersuutigineqarpoq.

### **Siunnersuutip Inatsisartuni siullermeerneqarnera**

Siullermeerinermi Inatsisartunit partiit tamarmik siunnersuummut tapersiippup. Inuussutissarsiutigalugu piniartut piniarnermut allagartartik annaanngikkaluarlugu takornarianut ilisimatusartunullu sullissilersinnaalermata partiit tamarmik naammagisimaarlugu oqaatigaat.

Inatsit sooq kingumoortumik atuutilissanersoq **Demokraatit** Naalakkersuisunut nassuiaqqaat.

Inatsisip ulloq 1. januar 2008-mit kingumoortumik atortinneqalernissaanut innuttaasunit iluaqtigineqarnissaa matumani kisimi eqqarsaatigineqartoq Naalakkersuisunit oqaatigineqarpoq. Inuussutissarsiutigalugu piniartup assersuutigalugu takornariaqarnermik suliaqarluni isertitai piffissami 2008 januaarip aallaqqaataanit inatsisip atuutilernissaata tungaanut isertitassatut maannamut killissarititaasut angugajalersimassavaa, taamaaliornikkut piniartup piffissami matumani isertitassatut killigitinneqartoq qaangigajalersimagaluarlugu, inuussutissarsiutigalugu piniarnermut allagartartik annaanngikkaluarlugu, takornarianik suliaqarneq ingerlatiinnarsinnaaqullugu.

**Aalisarnermut, Piniarnermut Nunalerinermullu Ataatsimiititaliap inassuteqaataa**

Siuliani oqaatigineqartut ilanngullugit siullermeerinermilu siunnersuummut oqaaseqaatit ilanngullugit **Aalisarnermut, Piniarnermut Nunalerinermullu Ataatsimiititaliap isumaqatigiittup akuersissutigineqassasoq** inassutigaa.

Taamatut oqaaseqarluni Inatsisartut Aalisarnermut, Piniarnermut Nunalerinermullu Ataatsimiititaliaata siunnersuut Inatsisartunut aappassaaniigassanngortippaa.

Jonathan Motzfeldt  
Siulittaasoq

Augusta Salling

Ole Thorleifsen

Ane Hansen

Jens B. Frederiksen